

Ngā manaaki a te hospice

Mō te tangata kei te whakahemohemo, he mate tuamatangi rānei tōna, he wā pea tōna ka kī ake tōna rata, tōna rata whānau rānei me tonu atu pea ia ki tētahi ratonga tiaki tūroro. He maha pea te hunga ka matakū, ka kōhukihuki pea i te rongu mō te hospice. Ka māmā ake pea te whai i tēnei mā te whiwhi i ngā mōhiohio mō te hospice me ngā āhuatanga e taea ai koutou ko tō whānau te āwhina.

He aha te hospice?

E tuku ana te hospice i ngā manaakitanga tautoko ki te hunga kei te wāhanga whakamutunga o tō rātau mate tuamatangi, me te aro atu kia hāneanea, kia kounga te ora, kua ki te whakaora.

E aro ana mātau ki te whakahaere i te mamae me ētahi atu tohumate me te tautoko ā-ngākau, ā-wairua i ngā tūroro, o rātau whānau me ngā kaitiaki.

Ahakoā pea ka rerekē ngā ratonga e tukuna i tēnā, i tēnā hospice, ko te tikanga kei roto ēnei mea:

- ngā manaaki hauora, nēhi hoki
- ngā āwhina tauwhiro, ngā tautoko tumu kōrero me te taha wairua
- ngā haumanu, tae atu ki te kōmiri me ngā haumanu tautoko
- ngā manaakitanga tangihanga
- ngā whakangungu me ngā ratonga tautoko mā ngā whānau me ngā kaitiaki

Te utu o te hospice

Kāore he utu mō ngā ratonga me nga manaakitanga o ngā hospice. Whiwhi ai ngā hospice i te nuinga o ā rātau pūtea mai i te kāwanatanga; engari, he wāhanga nui tō te mahi moni kia noho koreutu ai ngā ratonga.

Te toro atu ki ngā manaakitanga a te hospice

Kei tēnā, kei tēnā hospice āna ake whakaritenga āheitanga me te tukanga tonu. Me kōrero ki tō rata, rōpū manaaki rānei mēnā he whaitake mōu kia tonoa atu koe, tētahi o te whānau rānei ki tētahi hospice, kāore rānei. Mō ētahi atu mōhiohio mō ngā ratonga hospice i tō rohe, haere ki

www.hospice.org.nz

Ngā tino pōhēhē mō ngā hospice

Me noho tūroro koe i roto i tētahi hospice kia whai hua ai i ana ratonga

Ahakoā, he maha ngā hospice he manaaki ki reira anō, he ratonga anō ā rātau e āwhina ana i ngā tāngata kia manaakitia rātau i roto i o rātau ake kāinga. Ka taea e ngā kaimahi tiaki tūroro te mahi tahi me ngā rata whānau me ngā nēhi ā-rohe i roto i te hapori.

E aro ana ngā hospice ki ngā manaaki hauora

He kaupapa matawhānui ngā manaakitanga a te hospice, tae atu ki te tiaki i ngā hiahia ā-tinana, ā-ngākau, ā-wairua, ā-whānau hoki. Ehara i te mea ka manaaki te rōpū pūkenga-maha (arā, ko ngā rata, nēhi, tauwhiro hapori, tumu kōrero me ngā kaihaumanu) i te tangata kei te mate anake, engari me tōna whānau me ōna hoa hoki.

Ina uru koe ki tētahi whare tūroro, kāore koe mō te wehe mai

He maha ngā tūtoro ka uru ki te hospice mō te wā poto, kia pai ake ai te whakahaere i te mamae, tohumate hoki, mō ngā manaakitanga tānga manawa, ā, ka hoki ki te kāinga. E tukuna ana ngā manaakitanga tānga manawa e ētahi hospice kia whai wā ai ngā whānau me ngā kaitiaki ki te whakatā mai i ngā mahi manaaki.

E wātea anake ngā hospice mō ngā tūroro mate pukupuku anake

Ahakoā e whakamahia ana ngā ratonga hospice e te hunga mate pukupuku, ka āhei te hunga mate tuamatangi ki ā rātau ratonga. Tērā pea ko te hunga he mate motor neurone tōna, mate wareware, mate manawa, mate tākihi rānei.